

فربع ناقص فلع



أحمد بن مشالي

اسم العمل: مربع ناقص ضلع

اسم الكاتب: أحمد بن مشالي

نوع العمل: نص مسرحي

تصميم الغلاف: مريم توركان

تنسيق داخلي: مريم توركان

المشهد الأول

(يفتح المشهد على محيط مسجد
المرسى ابو العباس ودعوات وابتهاالات
ليبدء الصوت تدريجيا بالنزول).

مريم: وليد يعنى انا لو دعيت هنا ماما
هتخف.

وليد: ماما هتخف لو دعيتى فى اى
مكان يا مريم، وبعدين وليد حاف كدة
مفيش بابا.

مريم: ماهو انت مش بابا بس، انت كل
حاجة واحلى حاجة فى الدنيا.

وليد: يا بنت الإيه، وإنتى عندى بمليون
بنت، مش عارف ياختى اللى معندهوش
بنوتة حلوة زيك عايش ازاي؟

مريم: يعنى بتحبني اكر وال بتحب
يونس اكر؟

وليد: بحبكم انتوا الاتنين قد البحر.

مريم: طب وماما؟!

وليد: ماما، دى عمرى وامى واختى،
وكل حاجة، تعبت معايا كتير واستحملت
وليد اوووى، عمرها ما زعلتلى، الحاجة
الوحيدة اللى مزعالتى منها أنها بتهمل
فى حق نفسها عشان خاطرنا، تعرفى انا
مقدرش اعيش من غيرها، مووووت.

مريم: وليد انت بتعيط؟

وليد: لا ده التراب بتاع الشارع دخل ف
عينى يلا بينا بقى ندعى ربنا.

(ينقسم -المشهد إلى بورتين بؤرة فيها
مريم وبؤرة فيها وليد).

وليد: يارب يا شافي لا شفاء إلا شفاؤك
اشفِ نادية، يارب خفف عنها الألم،
يارب قويها وثبتها، يارب انا بعترف إن
أنا أضعف ما يكون، وباعترف إن كلمة
ااااه منها بتخليني أضعف، يارب.

مريم : ماما، انا بدعيلك تخفى وترجعى
زى الأول.

عارفة يا ماما وانتى بتسرحيلى شعرى
ببقى عاوز اديكى شعرى عشان مش
عندك شعر.

بصى انا هعملك شعر كتير واوديه عند
الخطاة عشان يبقى عندك شعر زى
واسرحهولك.

ماما على فكرة وليد بيحبك اووى،
وانا كمان يا ماما بحبك اووى.

المشهد الثاني

مروة: يا استاذة نادية احنا مش
مختلفين مع بعض بس لازم الجمعية
يطلعها ربح أمال.

هنكمل بقية النشاطات ازاي؟

نادية: حضرتك الجمعية دي مدعمة من
الدولة وقائمة على المتبرعين مش
هنعصر بقى الناس.

مروة: انا مبعترضش على كلامك بس
فين مجهودنا احنا وتعبنا، مالهوش
ثمن؟

نادية: ثمن ايه اللي بتتكلّمى عليه !!

هو ربنا كان اخد منك ثمن على صحتك؟

مروءة (بتردد): بصي يا نادية خلي
المصلحة تمشي واهو الناس تستفيد
واحنا نستفيد.

نادية (بعصبية): شكرا مش عاوزة
الاستفادة يا ستي اللي هتيجي من ورا
ألم الناس ووجعهم، ولو على شغلي
معاي انا بعذر مش هقدر اكمل ف
المهزلة دي، سلام.

مروءة: براحتك هجيب غيرك.

نادية: وهتجيبى منين ستر لو ربنا رفع
الستر عنك.

مروءة: مع السلامة.

نادية: بكرة تعرفى قيمة اللي بعمله
سلام.

(صوت كراود من الخارج)

مروة: ايه الدوشة اللي برة دي يا
حسن؟

حسن: يا أستاذة دول الحالات بيسلموا
على أستاذة نادية وعاملين محزنة برة.
مروة: ااه، هما خدو حاجتهم؟

حسن: لسة بتتعبى ف أكياس وعملتلك
العشر أكياس اللي قولتلى عليهم.

مروة: ما توطي صوتك طيب.

هما فين اللي عاملين دوشة دول؟

(تخرج للناس الجالسين على الأرض
بينما حسن يقوم بتوزيع الأكياس).
مروة: إنتو عاملين دوشة وقرف ليه؟
ما تخرسوا!

امرأة3: هو مين اللي يخرس يا ست
انتى؟

اوعى تكونى فاكرة نفسك بتجبي علينا
ولا بتدفعيلنا من جيبك.

امرأة4: الله يسامحها أستاذة نادية الست
الكمل عمرها ما بصلتنا حتى بصة
وحشة.

مروءة (بعضیبة): معدش فیہ ناااادیة،
من النهاردة فیہ مروءة هاتم وبس. یا
حسن انا شایفة الولیة دی واخدة قبل
کدة ووقفت تانی ف الطابور.

امرأة 3: انا مخدش ولا شوفت حتى
إسألني الناس اللي قاعدة.

امراة4: هى مين ياختى اللى وقفت ف

الطابور تانى هو افترى؟

مروة: يا حسن خدت ولا لا؟

حسن: آه خدت انا عاطيها بايدى

امراة5: أيوة، أيوة انا شيفها بتدى

الكيس لبنتها.

مروة: اهو منكم فيكم استاذ حسن أدى

الست دى واکرمها، أما أنتم ابقو خلو

نادية تتفعم.

واللى هيجيب سيرتها هنا ميجيش تانى.

امراة4: حسبنا الله ونعم الوكيل.

امراة3: منك لله يا شيخة، إلهي ربنا

ينتقم منك.

(كراود، الناس ملومة على حسن وهو
بيوزع ومع نزول اغنية تصف الحال)
يتحول المشهد لمنزل نادية.

يونس: وليد روقت اوضتى، إبرز.

وليد: إبرز؟؟!

يونس: اه أبجنى تجدنى.

وليد: يابنى انت طالع كدة لمين.

يونس: لبتاع الميلا مين.

وليد: مش هخلص (خد من ع السراحة
خمسة جنيه).

يونس: مش كتير خمسين يا وليد.

وليد: انا قولت عشرين.

يونس: خالص اتفقتا هاخد عشرين ليا
وخمسة ضريبة مضافة.

وليد: أحبيبي، خد يابني هنا.

يونس: لو قدرت تمسكنى هديك منهم
خمسة جنيه.

(يجرى وليد خلف يونس ويصرخ بصوت عالٍ، تدخل نادية من باب الشقة وتقف بعيداً لتشاهد بينما وليد يقلد ماما نادية).

وليد: يعنى ينفع كدة لسة مروة الشقة
وعندى شغل والله ما أنا قاعدلكوا فيه.
يونس بإشارة: إتقفشنا.

ولید: ہی ورا یا!؟

یونس: أجل سیدی

نادية: والله ما أنا.....

يونس : قاعدكم فيها، ههههههههههههههههههههه

وليد: بصي بقى انا عملتك شوية بابا
غنوج وشوية بطاطس مفعوسة و...

نادية: مفعوسة!!

وليد: ماهى وانا بهرسها صعبت عليها ف
فحصتها على خفيف.

نادية: خفة، حطيت ثوم؟

وليد: تمام يا افندم.

نادية: زودت الحامى؟

وليد: كله تحت السيطرة معاليك.

نادية: مريم فين؟

وليد: بتلعب تحت مع بنت أمال.

نادية: تااانى يا وليد ربنا يستر.

(صوت زعيق مريم مع امال وجرس
الباب يرن).

يونس: قابل بق يا وليد.

مريم: بصي بقى انا مش هرد عليكى.

نادية: بنت!

امال: بصوا بقى ياتربوا بنتكم، يا إما انا

أربيها.

وليد (بغضب، يهم بالكلام): مين اللى

مش...

نادية: هى مين اللى مش متربية يا

امال؟

مريم: انا متربية ياكومة قش مرمية، يا

عيد من غير ضحية، يا إبرة مصدية

وشوووبش.

يونس: براقوووووووو.

امال: شوف البت اللى مسحوبة من

لسانها.

نادية: مريم عيب.

وليد: لا مش عيب.

مريم: تربيتك يامعلم.

نادية: شوية هـدووووووووووو
ايه حصل لكل ده؟

امال: البنت المزغودة دي بتقول لبنتى
ان عينى مدورة ونقاقة، انا نقاقة مانتو
جايبين خلط جديد تورنيـدو بالكبة
وشيفاك طالع بيه على السلم وصوته
بيرج البيت.

(صوت فرقعة مع خروج وليد من
المطبخ مليان صلصة على هدومه).
وليد: هاهاها هنا سأسكت قليلًا.

امال: انا. ..

نادية: اظن الرسالة وصلت.

امال: مفترين.

نادية: متعصبينش يا أمال، سيبوا الناس
ف حالها انتى عارفة الخالط ولا كيس
الفاكهة ولا اي حاجة جاين ازاي!! ؟
عارفة حياتنا فيها ايه ؟

ولا عشان مش كل شوية انزل بوست
على الفيس واقول يشعر بالمرض زى
الناس اللي لو جالها صداع بتقعد تولول.

ياريت كفاية كدة سيبوا الناس ف
حالتها.

الناس مش مستحيلة كفاية نركز ف
حياة بعض لأننا كلنا مفرومين كفاية.

(تخرج امال بينما تجلس نادية على
الكنبة ويبدوا عليها التعب).

وليد: نادية مالك فيكى ايه انتى اول مرة
تتعصبى كدة؟؟

نادية: تعرف انا مش زعلانة منها.

وليد: زعلانة على الخالط؟

نادية: تعبت، الناس بقت صعبة رغم
أنهم غلابة، ناس بتحلم بس تمام ولو
نامت متصحاش من النوم من كثر التعب
وناس ف وادى تانى، كل همهم يجمعوا
فلوس مش عارفين أن الفلوس ملهاش
لازمة من غير الصحة.

وليد: مروة برضه معلش، ريحى نفسك
شوية انتى بترهقى نفسك.

نادية: متقلّش هريح كثير، مش رايحة
الجمعية تانى بس مش هسيب الناس
اللى عشانين في ربنا، عافر وربنا
كريم.

انت عارف بعد العملية والاستئصال
بقيت بحس بنعمة ربنا عليا وبحس اكر
بوجع الناس بعد كل جلسة كيماوي كنت
بعافر وبعد ما اختفى المرض لسة هدفى
موجود انى ابقى فى المربع الضلع اللي
بيكمل.

وليد: ربنا رزقنى بروين هود مش بنت
عادية، نتغدى وناخد الدواء ونقعد ناكل
بطيخ.

نادية: حمرا؟

وليد: هي ايه !!؟

نادية: البطيخة.

وليد: ااااه، ومرملة ومسقعها لمعايكى
يا افندم.

(صوت أmaal من الخارج) ده شايل
بطيخة قد كدة وهو طاالع.
نادية ووليد: راحت البطيخة.

المشهد الثالث

(عيادة الدكتور مصطفى وبداخل مكتبه
وليد ونادية).

وليد: طمنا يا دكتور التقرير يقول ايه؟

مصطفى (يتهدد بألم): خير ان شاء الله.

نادية: هو يا دكتور؟

مصطفى: هو.

وليد: بص بس كويس.

نادية: الحمد لله، طب يالا بقى نشوف
خطة العلاج.

مصطفى: انتى ست عزيمة وصبورة
واجدع مريضة عندي.

وليد: معلىش بس، ممكن تتأكد؟

نادية: وليد، مالك فيه ايه؟

وليد: اللهم لا إعتراض، اللهم لا
إعتراض.

مصطفى: تعرفى انك متقليش عن أي
بطلّة أو بطل، انتى زيك زى جميلة بو
حريد وهدى شعرواى وزى اللى عبروا
القتابل.

بجد مش لاقى وصف، بتعلم منك معنى
الصبر، عدم اليأس.

نادية: يادكتور هو الموضوع المرة
دى؟

مصطفى: اصعب شوية

وليد: يالا بينا نقوم، يالا.

نادية: بعد اذنك يادكتور.

(وليد ونادية ف الشارع، وليد منهار
تمسك نادية بيده).

نادية: هنعمل بقى زى العيال الصغيرة.

وليد: اه هعمل زيهم وهعيط وهذب
على الأرض و..

نادية: متضـعـفـنـيـش خليك دايماسندى
الى بيـقـوـينـى وىقـوـلى بعينه قبل لسانه
انتى قدها وكله بيعدى.

وليد: اه كله بيعدى فعلا بس بيعدى من
جوة روحى زى الشوك بيعور.

نادية: طب ما تيجي نقعد ع الصخر
ونجيب درة عشان وحشاني القعدة.

وليد: انتى كدة بتغيرى الموضوع صح؟

نادية: لازم تغيره أو نغيره عشان نروح
للعيال ميحسوش بحاجة وبعدين بجد
انت واحشنى وش.

وليد: وش، اهو كلامك ده اللى هيحيلى
جلطة.

نادية: وليد، هتتجوز بعدى؟

وليد: أيوة.

نادية: طب ايه مواصفات فتاة أحلامك؟

وليد: اجمل بنت ف الدنيا، تعاملنى زى
ابوها وهى تبقى بنتى، بيضة وزى
القمر، واول حرف من اسمها نادية.

نادية: بحبك اووى يا بابا.

نهاية المشهد

المشهد الرابع

مساءً الشارع أثناء ذهاب نادية ووليد

امراة 1: يا ست ام يونس.

نادية: استحلفك بالله وغلاوة الغاليين
الواد ياسين ابنى بقاله سنة متخرج
ومش لاقى شغل، فلو تلاقيله شغلانة
ينوبك ثواب.

وليد: بعدين يا...

(تعود المراة لتجلس على الارض).

نادية: وليد ايه!!!

اطلع وانا جاية وراك.

وليد: انا مش هسيبك لازم تطلعى
تريحى.

نادية: عشان خاطري، عشان خاطري
سيبنى واطلع.

وليد: خلاص رجلى على رجلك.

نادية: استتانى على القهوة، وهشاورك
لما أخلص.

وليد: تمام ياافندم.

(تذهب للمرأة فتلتقى بإخري)

امرأة 2: استاذة نادية لو سمحتى
جوزى بيغسل كلى ومش لاقين أكياس
دم ولو لقينا بفلوس كتيرة وانا تعبت
والله تعبت.

نادية: انا تحت امرك، هنشوف هنعمل
ايه هو اسمه ايه؟

امراة 2: حلمى محمد على.

نادية: طب بصى صوريلى بطاقتة وهاتى
التحالييل والأشعة والتقارير كلها
وقابلينى هنا.

امراة 2: روحى ياشيخة إلهى تنسترى
ومايحوجك لبشر ابدأ.

نادية: الله بقى على الدعوة الحلوة.

(اثناء كلامها مع الناس يتحول المشهد
للمقهى).

رجل 1: يااستاذ وليد.

وليد: ازيك يا حجاج عامل ايه اخبارك؟

رجل 1: الحمد لله رب العالمين كنت
بس عاوز استاذنك تكلملى الاستاذة
مغديش معاش وإيجار المحل مش
جايب همه.

وليد: حاضر يا حج من عنيا

رجل 1: الله يباركك فيها ويحفظك
يارب.

وليد: اللهم امين يارب العالمين.

نادية: يا حاجة صباح، يا حاجة صباح.

امراة 1: متأسفة ياسيت الأستاذة والله
انى كلمتك في وقت مش مناسب شكل
الأستاذ زعل.

نادية : والله ولا زعل ولا حاجة
وتكلمينى فى اى وقت، خير.

امراة 1: والله ما عارفة اقولك ايه.

نادية: قولى متكسفيش احنا إخوات.

امراة 1: العيال نفسهم يدووقوا اللحمه

زهقوا من رجول الفراخ والأجنحة اللى
حتى مبقيناش لاقينهم.

نادية: يانهار ابيض بس كدة إعتبري
اللحمه عندك، بس اعمليلى شوية
ملوخية من غير شوربة اللحمه عشان
ابقى اتغدى معاكم.

امراة 1: ربنا يعلى مقدارك وييسرك
حالك ويبعد عنك الهم والحزن ويرضى
عنك ويراضيكى يانادية يابنت، الا هى
الحاجة الوالدة اسمها ايه؟

نادية: رحاب.

امراة 1: يا نادية يابنت رحاب يا قادر
يا كريم.

نادية: والله انتى ست قمر، متسش
الملوخية.

وليد: يا جناب الكومندا المهم، جمعك
شوية حاجات لناس غلبة هنا وانا
واسطتهم بعد ربنا.

نادية: تعرف انا اتيلت حبيتك ليه؟

وليد: عشان وسامتى.

نادية: عشان انت جدع وطيب وبحسك
توأمى كدة.

وليد: سيدى يا الاسيدى يال بقى نطلع
كفاالاية.

رجل 2: يا استاذ وليد فيه واحدة بتسال
عليكم.

(تظهر مروة مديرة الجمعية الخيرية)

نادية: مروة، ياه بقالى سننتين
مسمعتش صوتك ولا شوفتك.

وليد: طب انا هروح اجيب الولاد من
عند عمهم.

نادية: ماشي.

مروة: إزيك يا نادية.

نادية: الحمد لله رب العالمين ف نعمة
وفضل من الله.

مروة: يارب دايم يا بنت الأصول
يا جدعة.

نادية: مالك فيكى ايه؟

مروءة: إتكسرت، ضهرى انحنى وعرفت
معنى كلامك وفعلك، سامحيني.

نادية: طب إهدى طيب، فيه ايه بنتك
بخير.

مروءة: لا، بنتى مش بخير يا نادية، بنتى
بتموت جالها المرض اللعين.

نادية: لاحول ولاقوة الا بالله العلي
العظيم فين؟

مروءة: العضم.

نادية: طب أهدى وبالراحة، عارفة
وحاسة بيكى اووى.

مروءة: ابوس ايدك، انا بعت كل اللى
ورايا وقدامى، معدش حيلتى غير
جسمى ده لو هبيع كليتى الاثنين ابيعهم.

نادية: وحدى الله كله بإمر الله هيتحل.

مروة: ماصدقت لقيت مكان فى
المستشفى بعد لف كثير كثير المشكلة
معيش فلوس حتى اسافر ومعيش فلوس
اخذ شقة ولا اوضة فى اي حته.

نادية: محلولة إن شاء الله.

(تخرج نادية الموبايل وتتصل بالحج
صيام الجزار)

نادية: السلام عليكم، ازيك ياراجل
ياطيب.

عامل ايه؟

صيام: الحمد لله رب العالمين انتى
عاملة ايه يا أستاذة؟

نادية: الحمد لله رب العالمين، بقولك
هى اللحمه عندك بكام دلوقت؟

صيام: انتى بتهزرى صح.

نادية: طيب اقطع لى إثنين كيلو لحمه
حمرا بإيدك.

صيام: بس كده عنيه.

نادية: هاجى أخذهم منك، ومعايا ضيوف
هيقعدوا عندك شويه.

صيام: على راسي تشرف وتثور ياابوو
إسكندر.

نادية: إن شاء الله تعالى مع السلامة
ياحج.

بس ياستى خير ان شاء الله بكرة نركب
بدرى من محطة مصر.

مروة: انتى ازاي كدة ومين عم صيام ده
وايه حكاية اللحمه، فهمينى؟

نادية: بكرة هتعرفى كل حاجة بس هاتى
حاجة البنت كلها معاكى وسببها هى عند
جدتها.

مروة: حاضر، مش عارفة اقولك ايه.

كلامك طلع صح هتعمل ايه الفلوس لو
الصحة راحت ادينى صرفت كل اللى
كنت مفكره هيجمينى من بكرة، انا
اسفة.

نادية: بس ياخايبه متقوليش كدة،
المهم دلوقت ننسق وقتنا ونشوف
هنعمل ايه؟

مروة: ظاظاف مكان تانى احلى واجمل
وكله ورد ومسك وعنبر.

طفلة: طب عاوز اروح العب معاه هو
بيضحكني اووى.

مروة: بعدين يا حبيتي بقى.

طفلة: ماما انا عارفة أنه راح عند ربنا
عارفة أن ظاظا مات.

مروة: لا عمرو ظاظا روحه حوالينا مش
ميت، الخير عمره ما يموت هو سامعنا
وبيقولك اهتمى بنفسك وبلاش حاجات
حلو وكمان بيقولى اقول لولده خلى
المكان موجود والبيت موجود وكل
حاجة زى ما هي وانا كمان هاجى اقعد
معاكم دايما وهكمل اللى ابتداه.

خلاص انا فهمت حكمتك يارب.

المشهد الخامس

يفتح على الشارع ونادية تترنح وهى
مع بعض سكان الشارع فيقومون
بإجلاسها على كرسي جابه حد من
القهوة أثناء مرور الشيخ مشالي.

مع تجمع الناس حول نادية، الشيخ:
مالك يابنتى طمنينا.

نادية: مفيش ياشيخ الحمد لله رب
العالمين.

الشيخ: (يلاحظ الزحام فيحدث الناس)
ماشى ياجماعة هى بخير عاوزين بس

شوية هوا كل واحد يروح على
مصلحته.

نادية: حاسس بيا والله، تعبت خلاص.

الشيخ: نادية انتى اول يوم جيتلى فيه
كان ف عينك نظرات كثير بس أهمهم
كانت عينك وهى بتبرق.

عينك وهى بتبص لقدام وقلبك اللى
عمره ماياس من رحمة ربنا.

نادية: ونعم بالله العلي العظيم، وانت
يومها قولتلى يا صبر ايوب مع أنه كان
نبي.

الشيخ: يابنتى انتى رسالتك دى وصية
الانبياء فيه ناس قاعدين على منابر بس
مش قادرين يوصلو رسالة.

انما انتى ماشاء الله خير رسالة، قومی
على حيلك لسة قدامك السكة طويلة.
وكلها خير بإذن الله.

نادية : حاضر ولأخر نفس.

الشيخ: أسأل الله العظيم رب العرش
العظيم ان يشفيكى شفاء لا يغادر سقما.
(ياتى وليد مسرعا).

وليد: فيه ايه؟ مالك؟

نادية: مفيش دوخة بسيطة؟

وليد: تعالى اوديكي المستشفى حالا.

نادية: لا، عاوزه اطلع البيت اشوف
العيال.

وليد: ناد....

نادية: يالا بقي وبطل لكاعة .

يسندها وليد مرورا بالحجه امال وكل
الجيران.

وليد: ریحی جسمک هعملک عصیر
لیمون .

نادية: مالخلاق بايظ.

أمال (طالعة ومعاها صينية فيها
كوبيتين ليمون): استاذ وليد انا عملت
لنادية عصير بالله عليك ماتكسف ايدي.

وليد: طب ادخلي طيب.

امال: لا هبقى اجي ف وقت تاني، ربنا
يخليها لك يارب.

نادية: مين يا وليد.

وليد: دي .. دي .. جارتنا امال

نادية: ياسلام وعصير كمان ده حب
الناس مش ببلاش.

هاتلى الولاد

وليد: ياولاد تعالوا كلموا نادية.

يونس: نادية هيبليه، يرقص فرحا بينما
مريم تقاطعه.

مريم: ماتصبر، مالك ياماما شكك
متغير؟

نادية: انتى اللى ماما، انا كويسة اهو
الحمد الله.

يونس: لا، يا نادية انتى بتكذبي علينا
انتى بتعيطي.

مريم: وليد مزعلك، مزعلها ليه يا وليد؟

وليد: (انا مش مزعلها) بدموع.

نادية: بابا عمره ماز على، خلى بالكم
عليه.

يونس: طب ماتخلى بالك انتى علينا
كلنا.

وليد: اهووو محبتش حاجة من عندى.

مريم: ماما انتى مخلية بالك على الناس
كلها وانتى احن واجدع ام فى الدنيا ربنا
ما يحرمننا منك يارب.

يونس: والنبي ماتز على منى انا بحبك
اووى انتى ياماما كل حاجة معنديش
صحاب فالمدرسة عشان انتى صاحبتى
قومى يلا قومى اعمليلنا بقلاوة قوومى.

(ناديه لا تستجيب لكلامه).

المشهد الأخير

نادية نائمة على السرير حواليتها وليد
والولاد.

بينما يظهر اربع مشاهد مختلفة.

اولهم.. الشيخ وهو متوجه إلى القبلة
والاخر أهالى الشارع واخر اطفال عم
ظاظا مع صوت ابتهالات وادعية.

(تسقط طفلة على الارض)

نادية: حاسبي.

الطفلة: اه، مش قادرة.

نادية: انتى مبتقوميش ليه!

الطفلة: انتى مين؟

نادية: مش عرفانى!

الطفلة: حاسة انك شبهى

نادية: اسمى نادية.

الطفلة: وانا كمان اسمى...

يونس: قومى ياماما، عاوزين نكمل
لعب.

الطفلة: نلعب لعبة تانية.

الأطفال: هههههههههههه، انتى بتقعى

عاوزين نلعب لعبة مفيهاش نط.

طفل: استغماية..

طفل: خلاويص..

الاطفال: لسة

طفل: اجيب البوليس.

الاطفال: لسة.

نادية: استخبي ورايا.

الطفل: مسكتك هههه مش مستخبة
ليه؟

نادية: لا لا كانت مستخبة ورايا.

طفل: انتى مبتعرفيش تلعبى اى لعبة
ياخاية.

ظاظا: كتفى بكتفك هنكمل سوي اوعى
تياسى كملى.

نادية: مش قادر اكمل تعبت محدش
شايفنى.

مروة: انا عرفت معنى كلامك دلوقت.

الشيخ: اول يوم شوفتك فيه عنيكى كانت فيها لمعة.

يونس: ماما انا مالىش أصحاب ف المدرسة عشان انتى صاحبتى.

**وليد: متسببنيش لوحدي انا من غيرك
ولا حاجة.**

[illegible]

الطفلة: انا وقعت كثير.

نادية: وفيها ايه لما اقع.

الطفلة: المهم انى احاول، ومبصش ورايا.

نادية: لأن ورايا حاجات كتير لسة
معملتهاش.

الطفلة: ولعب ياما لسة ملعبتهاش.

**نادية والطفلة: مش هيبأس، هقع وأقوم
واقع وأقوم لأخر نفس.**

الشيخ: يا اااااارب، اللهم اشف أمتك
نادية شفاء لا يغادر سقما اللهم ارنا
عجائب قدرتك، يا قدير يا شافي لا شفاء
الا شفاؤك.

**امراة 1: رينا يشفيكى يا ست الاستاذة
نادية يارب.**

امرأة 2: ربنا يسـترك ويجـبرك
ومايحوجك لبشر ابدًا.

رجل 1: ربنا يباركك ف مراتك يااستاذ
وليد ربنا يحفظك يااستاذة نادية يارب.

يونس: يارب يا حبيبي انا بحب ماما
اوووي خليهالي يارب وانا هسمع
كلامها ومصروفي هحوشه واديه للناس
اللى معدهمش فلوس يجيبوا ريقو
للصدااع يااارب، يااارب.

مريم: حبيبتى يامى، مش هعلى صوتى
على طنط اماال تانى عشان هى اكبر
منى هى جابتلك عصير ليمون وبتحبك
متسبيناش ياماما، يارب.

(صوت كراود من الادعية مع ابتهالات
اغيب وذو الطائف اليعيب و موالى انى
ببابك قد بسطت يدى.. يقطعهم وليد..
يدخل الدكتور).

الدكتور: سبحان الله، الله اكبر ايه ده فيه
ايه!!!

استاذ وليد انت متأكد ان دي الاشعة
والتحاليل الأخيرة؟

وليد: ايوه متاكد.

الدكتور: ماهو اكيد اه .. وليد نادية
كانت ف مربع متساوى الابعاد بس
ناقص ضلع والظاهر أن فيه قوة خارقة
وف الغالب هى الدعاء، الدعاء كمل
الضلع اللى ناقص وهما يادوب شوية
ضغط بس وبجنيه ريفو هتبقى زى الفل.

وليد : يا اااااااااا رب .

النهاية

تَمَّتْ بِحَمْدِ اللَّهِ

أحمد بن مشالي